

ՀԱՂՈՐԴՈՒՄՆԵՐ

Ավետիք Աղամյան

ՎԱՎԵՐԱԳՐԵՐ ԴԵՐԵՆԻԿ ԴԵՍԻՐՃՅԱՆԻ ՄԱՍԻՆ

Հայ ախմանավոր գրող Դերենիկ Դեմիրճյանը ծնվել է 1877 թ. Ախալքալա-
կում, որտեղ և առաջել է իր տարրական կրթությունը 1886 թ. Դերենիկ
Դեմիրճյանի հայրը՝ Կարապետ Դեմիրճոզյանը¹ ընտանիքի հետ միասին տե-
ղափոխվում է Արգահան։ Այստեղ պատանի Դերենիկը շարունակում է իր
ուսումը և գերազանց գնահատականներով ավարտում է տեղի ծխական դըպ-
րոցը։ Դեմիրճյանը ստեղծագործական առաջին քայլերը կատարում է այս
դպրոցի վերջին դասարանում եղած ժամանակ։ Ուսուցիչները կարգավոր Դե-
րենիկի գրվածքները, նկատում են նրա հակումներն ու գրական ընդունակա-
լիցաները և նրա հորը խորհուրդ են տալիս որդուն սովորելու ուղարկել էջ-
միածնի ճեմարան։ Կարապետ Դեմիրճոզյանը հոգատար դասատուների խոր-
հուրդները անուշադրությամբ չի մատնում և 1892 թ. հուլիսի 12-ին Արգա-
հանից կաթողիկոսի տեղապահին մի դիմում է ուղղում, որով հայտնում է,
որ չքավոր լինելու պատճառով անկարող է իր ուժերով ուսման ծախսը և
ընդունակ որդուն ճեմարան ուղարկել սովորելու համար, ուստի ներկայացնե-
լով համապատասխան փաստաթղթեր, խնդրում է նրան ընդունել ճեմարան՝
որպես որդեկիր²։

Քեղերսեմ ի բարձր սրբազնությունէդ Ձերմէ,— գրում է Դեմիրճոզյա-
նը,— զի զթացեալ ի չքաւոր վիճակ իմ հաճեացիք ընդունել զորդին իմ Դե-
րենիկ Դեմիրճոզյանց ի շարս որդեկիր աշակերտաց ճեմարանի սրբոյ էջ-
միածնի. քանզի չքաւոր զոյով՝ անկարանամ հալթալթել զնիւթական միջոցս
առ ի չազեցուցանել զպատուք ծախսոյ ուսման որդւոյ իմոյ։

Ընդ գրութեանս համաձայն ժանուցման վարչութեան ճեմարանի սրբոյ
էջմիածնի առաջի առնեմ բարձր սրբազնութեանդ զվկայագիրս ուսման, բա-
րի վարուց, ծննդեան և մկրտութեան և պատուաւորման ծաղկի, իսկ զչիտուն
ուտրլիս որպես բնակիչ չալսկոյս Կովկասոյ, ունեմ մատուցանել ի գրաւ ի ներ-
կայացուցանել որդին իմ Դերենիկ յօգոստոս ամսոջ³։

Բացի կարապետ Դեմիրճոզյանի դիմումից, հիշյալ հարցի առթիվ 1892 թ.
օգոստոսի 31-ին Գեորգյան ճեմարանի տեսչին մի դիմում է գրել նաև Ար-
գահանի հայոց միգասյան դպրոցի հոգաբարձությունը։ Դիմումի մեջ նշվում է,
որ Դերենիկ Դեմիրճյանը սովորել և գերազանց գնահատականներով ավարտել
է Արգահանի դպրոցը։ Այս փաստաթղթից էլ պարզվում է, որ Դ. Դեմիրճյանը

¹ Մանկական և պատանեկական տարիներին Դերենիկը նույնպես գրվել է Դեմիր-
ճոզյան։

² Դ. Դեմիրճյանը երկու տարի սովորում է Դերենիկյան ճեմարանում։ Նրա աշակեր-
տական գործը գտնվում է Հայկական ՍՍՌ Պետական Մատենադարանի Արխիվային բաժ-
նում։ Գործում գտնվում են մի քանի վավերագրեր։ Հիշյալ գործից վերցրինք սույն հոգ-
վածում մեջ բերած վավերագրերը։

³ Հայկական ՍՍՌ Պետական Մատենադարան, Արխիվային բաժին, Դերենիկյան ճե-
մարանի արխիվ, թղթ. № 7, վավ. № 89, էջ 3։

դպրոցում սովորելու ժամանակ մի շարք բանաստեղծություններ է գրել, որոնք խորը տպավորություն են թողել ուսուցիչների վրա, և որ նա միաժամանակ աչքի է ընկել նկարչության և երգեցողության մեջ: Հոգաբարձությունը, պատանի Դ. Դեմիրճյանի գրվածքներից ելնելով՝ գալիս է այն համոզման, որ եթե նա շարունակի իր ուսումը, ապա կլինի հայկական ապագա գրականության պայծառ աստղերից մեկը, որի համար հոգաբարձությունը միջնորդում է տեսչի առաջ և խնդրում, որպեսզի վերջինս անպատճառ Դ. Դեմիրճյանին ընդունե ճեմարան սովորելու:

«Ամսույս 28-ն Արդահանից ուղղևորուցան իր հոր հետ աշակերտ Դեմետիկ Դեմիրճոզլյանցը հարցաքննվելու և որոշվելու Արբազնությունդ տեսչություն հանձնած ճեմարանը: Հոգաբարձությունս տարիների ընթացքում մոտիկ ծանոթ լինելով իր աշակերտի ինչպես վարք ու բարքի, նույնպես ուսման և հասաջագիտության մեջ ունեցած բարձր ու հազվագյուտ հատկությունների կողմից, շտապեց հաղորդել սրբազնությունդ հետևյալը: Աշակերտ Դեմետիկ Դեմիրճոզլյանցը համենայն հաջողությամբ և պարգևատրությամբ ավարտել է հոգաբարձությունս խնամուց հանձնած դպրոցը, ջանասիր է վերին աստիճանի, օժտված է աստվածասուր բնածին ձիրքերով, ունի նախանձելի ընդունակություն և զարմանալի ձգտում դեպի կրթություն և լուսավորություն: Թե իր օրինակելի վարք ու բարքով, թե չուր համեստ բնավորությամբ, թե չուր բաժնավոր նախանձելի հատկություններով միանգամայն գրավել է թե իր ուսուցիչների, թե հոգաբարձությունս և թե բոլոր հասարակության ուշադրությունը: Եղել է եկեղեցու զարդ իր դուրեկան ձայնով — շնորհալի երգիչ է, նկարիչ է, եթե դատի ստակ առնել դրա գրածները, ոտանավորները, չենք սխալվի որ դա ապագայում հալ գրականության մեջ լինելու է մի վաղուց աստղ: Ի հաստատություն այս գրածների հույժ ցանկալի է հարցաքննության ժամանակ հաջոց լեզվից շարադրության համար դրան արվի մի որևէ նյութ: Տարաբաղդարար այս շնորհալի աշակերտը, լինելով աղքատ ծնողաց որդի, չի կարողանում իր բուռն զգացմունքներին բավականություն տալ, շարունակելով իր ուսումը ավելի բարձր դպրոցում: Ահա այդ պատճառով աղքատ հայրը ուսումնաժարավ որդու ձեռքից բռնած, դիմելով Ձեզ և Ձերդ սրբազնության տեսչության տակ գտնված ուսումնական խորհրդի գլխության, աղերսում է Ձեզանից ողորմածարար բաց անել Դեմիրճյան ճեմարանի դռները այս ուսումնասուն աշակերտի առաջ և ընդունել նրան գիշերօթիկ աշակերտների կարգում, որով շնորհած կլինիք այդ անբախտին նոր կյանք և կենդանություն, իսկ նրա աղքատ ծնույացը կատարյալ բախտավորություն: Հոգաբարձությունս քաջ ծանոթ լինելով հիշյալ աշակերտի արդյունավոր ընդունակության հետ, բոլորովին վստահ է, որ ապագայքն սա ճեմարանի պարծանքներից մեկը կլինի և պատիվ կրերև այդ սուրբ հիմնարկության:

Այս բոլոր հանգամանքները աչքի առաջ ունենալով, Հոգաբարձությունս հույս ունի, որ Դուք, սրբազան հայր, պիտի բարեհաճեք հարկել հոգաբարձությանս ամենախոնարհ միջնորդությունը և չեք տալ մեր միջնորդության այնպիսի վճիռ, որ աղքատ հայրը իր անբախտ որդու ձեռքից բռնած, արտասովելով կրկին Արդահան կվերադառնա դատարկաձեռն: Այդ օրը կլինի հիշյալ աշակերտի անբախտության սկիզբը¹:

¹ Հայկական ՍՍՍՌ Պետական Մատենադարան, Արխիվային բաժին, Գեորգյան ճեմարանի արխիվ, Թղթ. № 7, վավ. № 80, էջ 13:

Ինչպես հայտնի է Գեորգյան ճեմարանում դասավանդվող որոշ առարկաների սխոլաստիկ ընույթի, ուսուցիչի հալացքներ ունեցող որոշ ուսուցիչների և ճեմարանում ստեղծված դաժան ուժիմի պատճառով ուսանողների մեջ դժգոհություններ էին առաջացել և մի քանի անգամ լուրջ հուզումներ ու խլրտումներ էին տեղի ունեցել: Գեորգյան ճեմարանի պատմության մեջ ուսանողական ամենաուժեղ պոթկումներից էին 1894 թ. դեպքերը: Այդ հուզումներին մասնակցողներից շատերին հեռացրին ճեմարանից, իսկ ոմանք էլ հեռացան իրենց կամքով:

Ահա իրենց կամքով հեռացող աշակերտների թվում էր նաև Դ. Դեմիրճյանը: Այդ մասին 1894 թ. հոկտեմբերի 3-ին ճեմարանի տեսուչ Կ. Գոստանյանին ուղղած դիմումում Դ. Դեմիրճյանը գրում է.

«Ցանկանալով ճեմարանից հեռանալ իմ կամքով, խնդրում եմ տալ ինձ Դ դասարանի վկայագիր, ծննդական վկայականս և գրավականը, նույնպես ծաղկի վկայականս»¹:

Դերենիկ Դեմիրճյանի աշակերտական գործում գտնվում է նաև ճեմարանից հեռանալու կապակցությամբ նրան՝ արված վկայականը, որից պարզվում է, որ 1892 թ. քննություններ տալով, ընդունվել է ճեմարանի կրթորդ դասարան, երկու տարի սովորելուց հետո 1894 թ. փոխադրվել է հինգերորդ դասարան և իր խնդրի համաձայն հիշյալ թվականին ազատվել է ճեմարանից:

1894 թ. հոկտեմբերի 4-ին ճեմարանի տեսչի կողմից Դ. Դեմիրճյանին արված վկայականում ասված է.

«Մատուցող սորին աշակերտ հինգերորդ դպրոցական դասարանի հոգևոր ճեմարանի Մայր Աթոռույ Ա. էջմիածնի Դեմիրճոզլեան Դերենիկ Արդահանցի յամսեանն սեպտեմբեր 1893 ամի ընկալեալ եղև ի թիւս աշակերտաց դպրոցիս, և ըստ նախընթաց հարցաքննության՝ եմուտ չերրորդ դասարան: Յամսեանն յունիսի 1894 ամի փոխադրեցաւ ի հինգերորդ դասարան և յամսեանն հոկտեմբերի 1894 ամի ըստ խնդրանաց իւրոց արձակեցաւ ի ճեմարանէս:

Ի վարս յոյժ գովելի էր նա:

Ի ստուգութիւն որոյ յուսումնական խորհրդոյ դպրոցիս տուաւ նմա վկայականս տյս պարտ և պատշաճ ստորագրութեամբ և դրոշմելով կնքոյ ճեմարանիս»²:

1894 թ. Դ. Դեմիրճյանը թողնում է ճեմարանը և գնում Թիֆլիս, այստեղ ընդունվում է Ներսիսյան դպրոցը, որը ավարտելուց մի քանի տարի հետո մեկնում է արտասահման բարձրագույն կրթություն ստանալու համար:

¹ Հայկական ՍՍԻ Պետական Մատենադարան, Արխիվային բաժին, Գեորգյան ճեմարանի արխիվ, թղթ. № 7, վավ. № 89, էջ 9:

² Նույն տեղում, էջ 11: